

御纂醫宗金鑑

御纂醫宗金鑑卷六十四

編輯外科心法要訣目錄

項部

腦疽

偏腦疽

天柱疽

魚尾毒

百鰓疽

結喉癰

行身醫案卷之十四
夾喉癰

少陽經癰瘰

太陽經溼癰瘰

馬刀癰瘰

陽明經癰瘰

重臺癰瘰

上石疽

失榮證

鈕扣風

背部

上中下發背

上搭手

中搭手

下搭手

蓮子發

蜂窩發

陰陽二氣疽

串疽

酒毒發

連珠發

丹毒發

禽疽

痰注發

黃瓜癰

腰部

腎俞發

中石疽

纏腰火丹

御纂醫宗金鑑卷六十四


編輯外科心法要訣

腦

疽

圖

腦疽生項後入髮際正中屬督脈經



偏腦疽圖

偏腦疽頂後入髮際內傍開一寸半屬膀胱經與濕熱壅異



頂部

腦疽

腦疽頂正屬督脈左右偏腦太陽經陽正陰偏分
難易治與癰疽大法同

註

此疽有正有偏正屬督脈經入髮際名爲腦
疽俗名對口偏屬太陽膀胱經名爲偏腦疽
俗名偏對口正腦疽係陽亢熱極而生其證
多焮赤腫痛色鮮紅活根束頂尖時痛時止
督脈純陽起於尾間上貫顛頂挾毒上升故

易膿易腐易斂多屬順證若偏腦疽係寒熱錯雜所生其證漫腫色暗平塌堅硬然足太陽經外陽內陰從頭走足陽降陰凝難膿難腐難斂多屬逆證更有兼風濕者其瘡根又易於散大旁流故順逆二證治法當辨別是癰是疽腦癰者皮薄易破腦疽者皮厚難破初起有表證令人寒熱往來宜服荊防敗毒散有裏證令人口唇焦紫大渴大便結燥宜服內疎黃連湯若瘡勢已成按癰疽腫瘍潰

瘍門大法治之

荆防敗毒散

荆芥

防風

羌活

獨活

前胡

柴胡

桔梗

川芎

枳殼

麩炒

茯苓

各一錢

人參

甘草

各五分

薑三片水二鍾煎八分食遠服

寒甚加葱三枝

方歌荆防敗毒治初瘡憎寒壯熱汗出良羌獨前

柴荆防桔芎枳參苓甘草強

內疎黃連湯

見腫瘍門

天

柱

疽

圖

天柱疽生項後六椎骨高尖處屬督脈經



天柱疽

天柱疽生天柱骨上焦鬱熱蓄督經灸之有炮方爲順色黑形陷逆而凶

註

此疽生於項後高骨名天柱骨卽大椎骨也疽之初起形如卧蠶由上焦鬱熱蓄於督脈以致肩背拘急極痒入骨宜於疽上以艾灸之若灸之有炮者順無炮者逆甚至色黑形陷血出不止潰爛神昏嘔噦惡心等證是爲大凶其內外治法同腦疽


魚

尾

毒

圖

魚尾在項後影際下兩傍角後無尾即偏腦疽之證也左右同



魚尾毒

魚尾毒生後髮角在左在右淺而輕膀胱濕熱七日潰膿出腫消痛自寧

註

此毒生於項後髮際兩旁角處由足太陽膀胱經濕熱凝結而發其毒或在左或在右皆屬輕淺初起宜荆防敗毒散膿將成宜服托裏排膿湯其外治之法同癰疽腫瘍潰瘍諸證

托裏排膿湯

當歸

白芍 酒炒

人參

白朮 土炒

茯苓

連翹 去心

金銀花

浙貝母 各一錢 去心

生黃耆 二錢

陳皮 八分

肉桂 六分

桔梗 胸之上加一錢

牛膝 下部加入分

白芷 頂之上加五分

甘草 四分

薑一片水三鍾煎一鍾食遠溫服